



22 марта 2018 г.

№ 210

Тошкент ш. – г. Ташкент

**Ногиронлиги бўлган шахсларни статистик ҳисобга
олиш тизимини такомиллаштириш тўғрисида**

Ҳозирги вақтда масъул вазирликлар ва идоралар томонидан ногиронлиги бўлган шахсларни ҳисобга олишнинг тизими етарли даражада ишлаб чиқилмаган, шунингдек, ногиронлиги бўлган шахсларнинг ижтимоий ахволини мониторинг қилиш имконини берувчи замонавий ахборот-коммуникация технологияларини етарли даражада жорий этишда ва уларга ўз вақтида зарур тиббий-ижтимоий ёрдам кўрсатишида камчиликлар қайд этилмоқда.

Шу билан бирга, мавжуд статистик кўрсаткичлар асосида шакллантирилган ахборотлар ҳам ногиронлиги бўлган шахсларнинг турли гурухлари ҳолатини тўлақонли таҳлил қилиш, долзарб муаммоларни аниқлаш, баҳолаш имконини бермайди.

Ногиронлиги бўлган шахслар ҳаёт фаолиятининг барча соҳаларини қамраб олишга имкон берувчи статистик ҳисобга олиш тизимини янада такомиллаштириш, шунингдек, Ўзбекистон Республикаси Президентининг 2017 йил 1 декабрдаги ПФ-5270-сон Фармони билан тасдиқланган Ногиронлиги бўлган шахсларни қўллаб-куватлаш тизимини янада такомиллаштириш ҳамда уларнинг хукуқ ва эркинликларини ҳимоя қилиш кафолатларини кучайтириш бўйича Комплекс чоратадбирлар дастурининг 9-бандини ижро этиш мақсадида Вазирлар Маҳкамаси қарор қиласди:

1. Ўзбекистон Республикаси Давлат статистика қўмитаси томонидан давлат статистика ҳисоботи асосида ногиронлиги бўлган шахслар сони, имконияти чекланган (ногиронлиги бўлган) ўқувчилар учун мослаштирилган инфратузилма ва материалларга эга мактабгача таълим ва умумтаълим муассасалари, реабилитация марказлари фаолияти тўғрисидаги маълумотлар шакллантираётганлиги маълумот учун қабул қилинсин.

2. 2018 йил ҳисобот давридан бошлаб тегишли вазирликлар ва идоралар томонидан ишлаб чиқиладиган ва Ўзбекистон Республикаси Давлат статистика қўмитаси томонидан жамланадиган ногиронлиги бўлган шахсларнинг ҳаёт фаолиятини акс эттирувчи қўшимча статистик кўрсаткичлар рўйхати иловага мувофиқ тасдиқлансин.

3. Ногиронлиги бўлган шахсларнинг турли гурухлари ҳолатини баҳолашга имкон берувчи тўлиқ статистик маълумотларни шакллантириш учун Ўзбекистон Республикаси Давлат статистика қўмитасига тақдим этиладиган маълумотларнинг ўз вақтида тақдим этилиши ва хаққонийлиги юзасидан шахсий масъулият вазирликлар ва идоралар раҳбарлари зиммасига юклансин.

4. Мазкур қарорнинг бажарилишини назорат қилиш Ўзбекистон Республикаси
Бош вазирининг ўринбосари – Молия вазири Ж.А.Кўчкоров, Ўзбекистон
Республикаси Давлат статистика қўмитаси раиси Б.А.Бегалов зиммасига юклансин.

**Ўзбекистон Республикасининг
Бош вазири**



А.Арипов

Вазирлар Маҳкамасининг
2018 йил 22 мартдаги
210-сон қарорига
илова

**2018 йил ҳисобот давридан бошлаб тегишли вазирликлар ва идоралар томонидан ишлаб чиқиладиган
ва Ўзбекистон Республикаси Давлат статистика қўмитаси томонидан жамланадиган ногиронлиги
бўлган шахсларнинг ҳаёт фаолиятини акс эттирувчи қўшимча статистик кўрсаткичлар
рўйхати**

Кўрсаткичлар	Маълумот тақдим этиш учун масъуллар	Тақдим этиш шакли (давлат статистика ҳисботи, идоравий маълумот)
1. Имконияти чекланган (ногиронлиги бўлган) ўқувчилар учун мослаштирилган инфратузилма ва материалларга эга олий таълим муассасалари	Олий таълим муассасалари	4-ta’lim shakli Давлат статистика ҳисботи
2. Ногиронлиги бўлган шахслар учун шароитларнинг мавжудлиги: ногиронлиги бўлган шахслар фойдаланиши учун қулай бўлган жамоат йўловчи транспорти (автобуслар) сони	Ўзбекистон автомобиль транспорти агентлиги	идоравий маълумот
сурдо таржима билан ёки ўтувчи ёзувлар билан бирга олиб борилаётган телекўрсатувлар сони	Ўзбекистон Миллий телерадиокомпанияси	идоравий маълумот
имконияти чекланган шахслар учун қўшимча қулайликлар билан билан таъминланган давлат ташкилотларнинг веб-сайтлари сони (контрастни қўшиш, шрифтни катталаштириш, овоз жўрлиги функциялари ва бошқалар)	Ахборот технологиялари ва коммуникацияларини ривожлантириш вазирлиги	идоравий маълумот

3. Туманлар ва шаҳарлар бўйича ногиронлиги бўлган шахсларни ишга жойлаштириш учун иш ўринларини захирага олиш	Бандлик ва меҳнат муносабатлари вазирлиги	идоравий маълумот
4. АБКМга мурожаат қилган ногиронлиги бўлган шахслардан ишга жойлаштирилганлар сони:		
давлат ташкилотларига, ҳудудлар, жинси ва ёши бўйича		
шу жумладан 3% квота бўйича		
нодавлат ташкилотларига, ҳудудлар, жинси ва ёши бўйича		
шу жумладан 3% квота бўйича	Давлат солик қўмитаси	идоравий маълумот
якка тартибдаги тадбиркорларга, ҳудудлар, жинси ва ёши бўйича		
5. Ногиронлиги бўлган шахслар сони:	Туман ва шаҳар ҳокимликлари	2-уу-жоу (янги шакл) Давлат статистика ҳисботи
уй-жой билан таъминланганлар, туманлар ва шаҳарлар бўйича		
яшаш шароитлари яхшиланишига муҳтож бўлганлар, туманлар ва шаҳарлар кесимида	Фуқароларнинг ўзини ўзи бошқариш органлари	1-NNT shakliga ilova (mahalla) Давлат статистика ҳисботи
6. Фуқароларнинг ўзини ўзи бошқариш органлари томонидан бериладиган моддий ёрдам олган ногиронлиги бўлган шахслар сони		
7. Санаторий-курортларда даволаниш учун мурожаат қилган ногиронлиги бўлган шахслар сони:	Соғлиқни сақлаш вазирлиги	идоравий маълумот
яшаш жойи бўйича		
санаторий-курортда даволаш тури бўйича		
8. Санаторий-курортларда даволаниш учун йўлланма олган ногиронлиги бўлган шахслар сони:	Ташкилотлар	1-korxona, 1-KB, 1-notijorat, 1-NNT shakli бўйича Давлат статистика ҳисботлари
яшаш жойи бўйича		
санаторий-курорт муассасасининг номи бўйича		
9. Ташкилотларга тегишли бўлган пандуслар билан жиҳозланган бинолар сони		